

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

NEKAZARITZA SAILA

88/2023 Foru Agindua, martxoaren 3koa, zeinak Arabako Lurralde Historikoan 2023-2024 denboraldian arrantza kontinentalaren aprobetxamendua arautuko duen araudia onestea

Euskal Herriaren Autonomia Estatutuaren abenduaren 18ko 3/1979 Lege Organikoak 10.10 artikuluan azaldu zuenez, "Euskal Herriko Autonomia Erkidegoak bakarreko eskumena du honako gai hauek: ... 10. Barne-uretako arrantza, itsaski-bilketa eta arrain-hazkuntza, ehiza eta ibai eta aintziretako arrantza".

Euskal Autonomia Erkidego osoko erakundeek eta Lurralde Historikoetako foru erakundeek arteko harremanei buruzko azaroaren 25eko 27/1983 Legeak 7.b. artikuluan xedatzen duenez, lurralde historikoei dagokie Erakunde erkideen arauak garatzea eta gauzatzea, arlo hauek: 3. Ur kontinentalen arrantza eta ehiza aberastasunaren aprobetxamendu araubidea.

Eusko Jaurlaritzaren 34/1985 Dekretuaren eta Arabako Foru Aldundiaren 884/1985 Dekretuaren bidez (biak martxoaren 5ekoak), Arabako Foru Aldundiari eskumena eman zitzaion arrantza kontinentalaren arloa araubidez garatzeko.

Natura Ondare eta Biodibertsitatearen abenduaren 13ko 42/2007 Legeak, zeina oinarritzat baita haren 1. artikuluan eta azken xedapenetatik bigarrenaren arabera, hau ezartzen du 65. artikuluan:

1. Ehizatu eta ur kontinentaletan arrantzatu ahal izango diren espezieak autonomia erkidegoek zehazten dituztenak bakarrik izango dira, eta deklarazio horrek inola ere ezingo die eragin Babes Berezikoko Espezieen Zerrendan sartutako espezieei edo Europar Batasunak debekatutakoei.

2. Nolanahi ere, ehiza eta arrantza kontinentalak arautzean, bermatu egingo da jarduera horietarako baimenduta dauden espezieak kontserbatzea eta sustatzea; xede horietarako, autonomia erkidegoek zehaztu egingo dute zein lursail eta uretan ehizatu eta arrantzatu ahal izango den eta zein egunetan izango den haizu espezie bakoitzarentzat.

Ibaitako Arrantzaren Sustapena eta Kontserbazioa arautzen duen 1942ko otsailaren 20ko Legeak eta Ibaitako Arrantzaren 1942ko otsailaren 20ko Legea gauzatzeko arautegia onesten duen 1943ko apirilaren 6ko Dekretuak partez indarrean jarraitzen dute Euskal Autonomia Erkidegoan.

Lurralde historikoei dagokienez, Euskadiko Natura Ondarea Kontserbatzeari buruzko azaroaren 25eko 9/2021 Legearen 77. artikuluan bigarren apartatuak hau xedatzen du: "Ehizak eta arrantza kontinentalak jarduera horietarako baimendutako espezieen kontserbazioa eta sustapena bermatu beharko dituzte eta, beraz, jarduera horietarako erabil daitezkeen lur eta uretan egin beharko da ehizan edo arrantzan, espezie bakoitzarentzat ezarritako garaietan". Eta arrantza kontinentalaren aprobetxamendua arautzen duen araudiak ezartzen duen urteko foru agindua da arrain espezieen aprobetxamendu ordenatua egiteko tresna arautzaile nagusia.

Bestalde, Nekazaritza Sailaren egitura organikoa eta funtzionala onesten duen Diputatuen Kontseiluaren otsailaren 9ko 14/2016 Foru Dekretuak, zeina Gobernu Kontseiluaren abuztuaren 3ko 45/2017 Foru Dekretuak aldatu baitu, Mendi Zerbitzuari esleitzen dizkio, besteak beste, honako eginkizun hauek: baso flora eta fauna antolatzea, kontserbatzea, kudeatzea eta sustatzea, eta, Ehiza eta Arrantza Atalaren bidez, ehizarako eta arrantzarako debekualdiei buruzko agindu orokorrak eta sailaren eskumeneko gaiei buruzko araudi osagarria aztertzea eta proposatzea.

Aurrekoa oinarri hartuta, Nekazaritza Sailak, urteroko foru agindu egokiaren bidez, Araban arrantza kontinental arautzen duen araudia ezarri du.

Kontuan hartuta arrantza kontinental kirol jarduera dela eta izaera askotako zale askok egiten duela eta, sarritan, kanpaina bakoitzean ALHAOn argitaratzen den aginduaren testua erabiltzen dutela aplikagarri den araudia ezagutzeko, egokiago irizten da osorik batzea 2023-2024 denboraldian arrantza arautuko duen aginduaren testu osoa, horietako bakoitza banaka idaztea baino, errakuntzak eta hutsak ekar baititzake horrek; hartara, testua errazago irakurri eta erabili ahal izango da, hobeto ulertuko da eta osotasunean interpretatu ahalko da, eta are gehiago, sartutako aldaketak kontuan hartuta.

Foru agindu hau izapidetzeko, Administrazio Publikoen Administrazio Prozedura Erkidearen urriaren 1eko 39/2015 Legeak jasotako arautze onaren printzipioei jarraitu zaie, zeinak maiatzaren 23ko 29/2017 Foru Dekretuaren I. eranskinaren 3. artikuluan ere jasota baitaude. Foru dekretu horrek hauek onesten ditu: xedapen orokorrak egiteko prozedura, arau eraginari eta genero eraginari buruzko txostenak egiteko gidak eta araugintza teknikari buruzko jarraibideak. Horiek horrela, aurrekarietan nahikoa justifikatu da premia dagoela Arabako arrantza kontinental beste era batera arautzeko; gainera, arauketak jardun neurritsua izango litzateke, beharrezko gutxienez mugatzen delako lortu nahi den helburua lortzeko; hain zuzen ere, Arabako Lurralde Historikoan 2023-2024 kanpainarako arrantza arautzen duen araudiaren ikuspegi artikulatua, bakarra, osatua eta eguneratua.

Halaber, segurtasun juridikoaren printzipioa bermatzen da, nahikoa justifikatuta gelditzen delako ordenamendu juridikoan sartzeko delak eta hura ematen duen organoa gaituta dagoela.

Eraginkortasun printzipioari dagokionez, planteaturiko arauketak, daukan izaeragatik, ez du eragiten administrazio zama osagarririk eta beharrezkoak ez direnik administratuentzat, ezta baliabide publiko gehiago kontsumitzea ere. Gainera, gardentasun printzipioa bermatu da, arau xedapena egiterakoan entzunaldiko eta jendaurrean jartzeko izapidea bete baita, eta agindu da betiere ALHAOn argitaratu dadila onespena eman bezain laster.

Kontuan hartu da Arabako Foru Administrazioaren kontsulta batzordeak 2022ko otsailaren 22an egindako bilkuran emandako irizpena, eta haren ondorioak onartzen dira.

2022ko azaroaren 29an bildutako lurraldeko arrantza kontseilua entzunda, nahitaezko txostenak ikusita, horien ondorioz eta dagozkidan ahalmenak erabiliz, hau

XEDATZEN DUT

Artikulu bakarra. Onestea Arabako Lurralde Historikoan 2023-2024 denboraldian arrantza kontinentalaren aprobetxamendua arautuko duen araudia, denboraldi berriko eskakizunetara eta 2022ko azaroaren 29an bildutako lurraldeko arrantza kontseiluak adostutakora egokituz, 2023-2024 kanpaina aplikatzeko. Testu osoa foru agindu honen eranskinean ageri dena izango da.

Xedapen indargabetzailea. Xedapen hau indarrean sartzeko denean, indarririk gabe geratuko dira bertan xedatutakoaren aurka doazen maila bereko edo beheragoko xedapen guztiak

Azken xedapenetako lehenengoa. Foru agindu hau indarrean egongo da 2024-2025 denboraldian Arabako Lurralde Historikoko arrantza kontinentalaren aprobetxamendua arautzen duen foru agindua onetsi arte.

Azken xedapenetako bigarrena. Foru agindu honek ALHAOn argitaratu eta hurrengo egunetik aurrera izango du indarra.

Vitoria-Gasteiz, 2023ko martxoaren 3a

Nekazaritza Saileko foru diputatua

EDUARDO AGUINACO LÓPEZ DE SUSO

Nekazaritza zuzendaria

MARIA ASUNCIÓN QUINTANA URIARTE

ERANSKINA**Arabako Lurralde Historikoan, 2023/2024 denboraldian, arrantza kontinentalaren aprobeixamendua eta kirol arrantzaren bidez ur kontinentaletako espezie exotiko inbaditzaile jakinen kontrola arautuko dituen araudiaren testu osoa****1. artikulua. Arrantzatu daitezkeen espezieak**

1.1. Hauek dira arrantzatu daitezkeen espezieak:

Amuarrain arrunta (*Salmo trutta*).

Barbo arrunta (*Luciobarbus graellsii*).

Loina edo loina txikia (*Parachondrostoma miegii*).

Tenka (*Tinca tinca*).

Ezkailua (*Phoxinus phoxinus*).

Urre arraina (*Carassius auratus*).

1.2. Foru Agindu honetako 1.1 eta 2.1 artikuluetan jasota ez dauden espezieak ezingo dira arrantzatu Arabako Lurralde Historikoan.

1.3. Arrantzatu ezin daitezkeen espezie autoktonoren bat ustekabean harrapatzen bada, berehala itzuli behar da uretara, animalia askatzean hari ahalik eta min gutxien eginez.

2. artikulua. Espezie exotiko inbaditzaileen kudeaketa, kontrola eta deuseztatzea

2.1. Adierazten da arrantza espezie exotiko inbaditzaile bezala katalogatutako arrain eta oskoldun espezieak kontrolatu, kudeatu eta deuseztatze bide izango dela baldin eta espezie horiek 630/2013 Errege Dekretuan jasota badaude eta 42/2007 Legea indarrean jarri baino lehenago sartuak badira. Hura hartzeko, Agindu honetan jasotako xedapenei jarraituko zaie (6. artikulua). Espezie horiek ondoren zerrendatzen dira:

Amuarrain ortzadarra (*Oncorhynchus mykiss*).

Alburnoa (*Alburnus alburnus*).

Perka amerikarra (*Micropterus salmoides*).

Karpa (*Cyprinus carpio*).

Lutxoa (*Esox lucius*).

Pazifikoko karramarroa (*Pacifastacus leniusculus*).

Karramarro gorria (*Procambarus clarkii*).

2.2 Euskal Herrian legez arrantzan egiteko nahitaezko agiriak (foru agindu honetako 9. artikulua) dituen edonork espezie horien gaineko kontrol jardunak egin ahal izango ditu, foru agindu honetan ezartzen diren denbora eta leku mugetara, prozedura, metodo, beita eta apeuetara moldatuz.

3. artikulua. Aldi, egun eta ordu baimenduak**3.1 Aldi baimenduak:**

Oro har, 2023/2024 denboraldian salmonidoak harrapatze aldi baimendua, bai ur libreetan bai erregimen bereziko uretan, 2023ko martxoaren 18tik ekainaren 30era artekoa izango da, bi egun horiek barne, amuarrainak hil gabe harrapatze aldi baimendua Kuartangoko eta Zuia/Urkabustaizko arrantza barrutietan izan ezik. Azken horietan, aldi baimendua 2023ko martxoaren 18tik ekainaren 11ra artekoa izango da, biak barne.

Ibai zati libreetan ziprinidoak harrapatze aldi baimendua 2023ko martxoaren 18an hasi eta 2024/25 arrantza denboraldiaren hasierara artekoa izango da.

Arrain exotiko inbaditzaileak kontrolatu eta deuseztatzeko ezarri diren ibai zatietan (Arabako arrantza baimenduko ibai zatiei buruzko I. eranskinean jasoak), aldi baimendua haiekin gainjartzen diren salmonido edo ziprinido arrantzarako ibai zatietako berbera izango da.

Karramarro seinaleduna eta karramarro gorria harrapatzeko aldi baimendua, foru agindu honen III. eranskinean haiek kontrolatu eta deuseztatzeko ibai zatietarako zehazten dena izango da.

3.2 Egun baimenduak:

a) Oro har, eta espezie talde bakoitzaren arrantza denboraldiaren barruan, asteko egun guztietan egin ahal izango da arrantzan, jaiegun ez diren astearteetan izan ezik. Salbuespenak honako hauek dira: Amuarraina arrantatzeko barrutietan, arrantzan egin ahal izango da Foru Agindu honen III. eranskinean barruti bakoitzerako zehazten diren egun baliodunetan. Salbuespen gisa, beste arrantza egun batzuk zehaztu ahal izango dira barruti bakoitzerako zehaztutako epearen barruan, arrantza lehiaketa ofizialak egiteko helburuz.

b) Ziprinidoen arrantza, ibai zati libreetan arrantzarako aldi baimenduko egun guztietan egin ahal izango da.

c) Arrain exotiko inbaditzaileak kontrolatu eta deuseztatzeko ezarri diren ibai zatietan (foru agindu honen I. eranskina), beraiekin gainjartzen diren salmonidoak edo ziprinidoak arrantatzeko ibai zatietan arrantzan egin daitekeen egun beretan harrapa daitezke espezie horiek.

d) Karramarroa kontrolatu eta deuseztatzeko ibai zatietan, egun baimenduak foru agindu honen III. eranskinean ibai zati bakoitzerako zehazten direnak izango dira.

3.3. Ordu baimenduak:

Eguzkia irten eta sartu artekoak dira arrantza ordu baliodunak, zeinak Institutu Geografiko Nazionalaren 2023. eta 2024. urteetarako egunsenti eta iluntze almanaka ofizialetik hartu baitira, Gasteiz hiriaren kokapena erreferentziatzat hartuta.

<https://cdn.mitma.gob.es/portal-web-drupal/salidapuestasol/2023/Vitoria-2023.txt>.

<https://cdn.mitma.gob.es/portal-web-drupal/salidapuestasol/2024/Vitoria-2024.txt>.

Karramarroak kontrolatu eta deuseztatzeko ordu baimenduak hauek izango dira:

a) Uztaila eta abuztua: 13:00etik 21:00etara.

b) Iraila: 13:00etik 20:00etara.

4. artikulua. Harrapaketak eta kopuruak

4.1. Salmonidoen arrantzarako ibai zati libreetan, salmonidoak heriotza gabeko modalitatean baino ezingo dira arrantzatu; hortaz, berehala botako dira atzera uretara haietan harrapatzen diren amuarrain arrunt guztiak, askatzean ahalik eta kalte txikiena eginez.

4.2 Ziprinidoak harrapatzeko ibai zati libreetan, berehala botako dira atzera uretara haietan harrapatzen diren amuarrain arrunt guztiak, askatzean ahalik eta kalte txikiena eginez.

4.3 Oro har amuarrain arrunta (*Salmo trutta*) espezieko hilaraz daitekeen ale kopurua, hori baimenduta dagoen arrantza barrutian, gehienez ere baimen bakoitzeko bi ale izango da. Kopuru horretara iritsitakoan arrantzatzeari utzi beharko zaio. Harrapatutako aleak aukeratzea galarazteko asmoz, legezko luzera duen amuarrain bat harrapatu ondoren ezin izango da berriz uretara bota, egun guztian egiten ari den arrantza modalitate bakarra heriotza gabeko arrantza izan ezean.

4.4 Hilarazitako amuarrain arrunt eta karramarroak saskian, zakuan, poltsan... eraman beharko ditu arrantzaleak, eta ezin izango ditu ibilgailuan sartu arrantza eguna bukatu arte.

4.5 Foru agindu honetako 1.1 eta 2.1 artikuluen arabera arrantzatu daitezkeen gainerako arrain eta karramarro espezieetarako ez da harrapaketa kopururik ezartzen.

5. artikulua. Neurriak

5.1 Arrantzatu daitezkeen espezieen gutxieneko neurriak honako hauek dira:

Amuarrain arrunta (*Salmo trutta*): 22 zm.

Barbo arrunta (*Luciobarbus graellsii*): 18 zm.

Tenka (*Tinca tinca*): 15 zm.

Ezkailua (*Phoxinus phoxinus*): 6 zm.

Loina (*Parachondrostoma miegii*): 8 zm.

Urre arraina (*Carassius auratus*): ez da gutxieneko neurririk ezartzen.

5.2 Amuarrain arrunta (*Salmo trutta*) gehienez ere 35 zm luze izan beharko da. Gainerako espezieentzat, ez da ezartzen gehieneko luzerarik.

5.3 Arrainaren luzera furkala hartuko da kontuan, hau da, buruaren aurreko muturretik isats hegatsaren edo isats hedatuaren erdi puntura neurtutako luzera.

5.4 Uretatik atera eta berehala botako dira bertara, ahalik eta kalte txikiena eginez, aurretik ezarritakoak baino luzera txikiagoa edo handiagoa duten ale guztiak.

5.5 Ez da ezartzen gutxieneko edo gehieneko neurririk 630/2013 Errege Dekretuak barnean hartu eta foru agindu honetako 2.1 artikuluan jasotzen diren espezie exotiko inbaditzaileentzat.

6. artikulua. Espezie exotiko inbaditzaileen espainiako katalogoa arautzen duen 630/2013 Errege Dekretuarekin loturiko berariazko neurriak

6.1 Foru agindu honetako 2.1 artikuluan adierazten diren espezie exotiko inbaditzaileen kontrola eta deuseztapena, horietako bakoitzarentzat zehaztutako eremuetan bakarrik egingo dira (foru agindu honen I. eta III. eranskinak). Espezie horietarako ez da ezartzen gutxieneko neurririk ez harrapaketa kopururik, eta harrapatu eta berehala hilarazi beharko dira. Hala ere, baimentzen da espezie horien ale hilak edukitzea eta garraiatzea, dela autokontsumorako, dela haiek natura ingurunetik desagerrarazteko toki apropos batean uzteko.

6.2 Amuarraina arrantzatzeko barrutietan, espezie exotiko inbaditzaile baten aleren bat harrapatzen bada, nahitaezkoa izango da egitate hori adieraztea horretarako gaitutako orrian.

6.3 Harrapa daitezkeen ibai karramarroaren espezieak, harrapatu ondoren, ez dira sekula uretara itzuliko. Harrapatu diren lekutik alde egin baino lehen akabatu beharko dira, eta betiere beste edozein zonatar joan aurretik, baita ibai berean ere. Harrapatutako aleak uretatik kanpo edukitze hutsarekin ez da ulertuko karramarroak hil direnik.

6.4 Arabako Lurralde Historikoan egiten diren arrantza txapelketa guztietan, kanpoko espezie inbaditzaileen aleak harrapatzen direnean, nahitaezkoa izango da ale horiek hiltzea, txapelketa heriotza gabeko arrantza modalitatekoa bada ere.

7. artikulua. Arrantza tresnak eta elementu lagungarriak

7.1 Arrainak harrapatzeko arrantza tresnak:

a) Kanabera da arrainak harrapatzeko baimendutako arrantza tresna bakarra.

b) Orokorrean, lurralde historikoko ibai eta uretan kanabera bakar bat onartzen da arrantzale bakoitzeko.

c) Albina, Maroño, Sobron, Uribarri Ganboa eta Urrunagako urtegietan, baita ziprinidoen arrantzarako ibai zati libreetan ere, arrantzale bakoitzak bi kanabera erabil ditzake, baina biak haren eskueran egon beharko dira.

7.2 Karramarro seinalekun eta karramarro gorriak harrapatzeko tresnak:

a) Espezie horiek harrapatzeko arrantza tresna bakarra dago baimenduta: 30 zentimetroko diametroko sare saskia, gehienez bi eraztun dituena, eta ixteko gailurik gabea.

b) Gehienez ere zortzi sare saski baimentzen dira arrantzale bakoitzeko. Sare saskiak ipintzeko, goitik jota ibaiertzaren 30 metro har daitezke beste arrantzale batzuk hurbil egon eta beraien artean adostasunik ez badago beren sare saskiak tartekatzen.

c) Sare saskiak behar bezala identifikatuta egon behar dira, arrantzalearen izen-abizenekin.

d) Agintari eskudunak konfiskatu egingo ditu identifikaziorik gabeko sare saskiak.

7.3 Elementu lagungarriak.

a) Orokorrean, salabardo izeneko tresna erabili ahal izango da, baina bakar-bakarrik kanaberarekin harrapatutako arrainak uretatik ateratzeko lagungarri moduan.

8. artikulua. Beita eta amuak

8.1 Arabako Lurralde Historikoan amuarrainaren arrantzarako barrutietan, berdin du zein motatako arrantza egiten ari den, eta salmonidoen arrantzarako ibai zati libreetan, onartutako amu bakarrak heriotza gabeko beita artifizialak dira, edozein mota edo muntaiatakoak, baldin eta amu bakar bat eduki eta horrek "garranga" izeneko zatirik ez badauka.

8.2 Ontzitik arrantzan egiteko modalitatean (xaxiango arrantza edo kazako arrantza), gutxienez 4 zm luzeko pala duten koilaratxoak baino ezin izango dira erabili.

8.3 Pazifikoko karramarroak eta karramarro gorriak harrapatzeko, amu hilak soilik erabiliko dira (eta inoiz ez deskonposizioan daudenak), eta debekatuta dago horien hondarrak ibaiertzetan uztea edo horiek uretara botatzea. Arrantzaldia amaitutakoan, hondar horiek edukiontzietan utzi, edo erabili dituenaren etxera eraman beharko dira.

8.4 Oro har, debekatzen da:

a) Arrain bizi edo hilak beita natural gisa erabiltzea.

b) 630/2013 Errege Dekretuaren eraginpean dagoen kanpoko edozein espezie inbaditzaile beita moduan erabiltzea.

c) Beita natural gisa tokian tokiko faunakoak diren intsektu edo beste ornogabeen arrautzak, larbak, pupak, ninfak edo imagoak erabiltzea.

d) Asticot deritzon harra eta antzekoak beita natural moduan erabiltzea, bai eta osagai erakarriak, usaindunak eta zaporedunak dauzkaten beita guztiak ere. Era berean, debekatuta dago gazta, haragi eta antzekoen masa nahasiak erabiltzea amu gisa, bai eta urak beitatzea ere arrantzan hasi baino lehen edo arrantzaleak jardunean dirauen bitartean.

e) Harian lastadun ninfak erabiltzea beita moduan.

8.5 Salbuespenak:

a) Albina, Maroño, Sobron, Uribarri Ganboa eta Urrunagako urtegietan baimena ematen da arrain hilak erabiltzeko beita natural gisa. Muga hauek jartzen dira orobat, baldin eta ur gezetako espezetako arrainak badira:

a.1. Foru Agindu honen 1.1 artikuluan adierazitako harrapatu daitezkeen espezien zerrendako arrain espezieak izatea.

a.2. Haien neurria foru agindu honetako 5. artikuluan ezarritako gutxienezko neurriaren berdina edo handiagoa izatea.

b) Karramarroa kontrolatu eta deuseztatzeko ibai zatietan, baimenduta dago arrain hilak beita natural moduan erabiltzea, aurreko apartatuan ezarritako muga berberekin.

c) Sobron, Uribarri Ganboa eta Urrunagako urtegietan eta "kirol agertoki" deklaraturako eremuetan, baimentzen da urak beitatzea gazta, haragi eta antzekoen masa nahasiekin, baina arrantzan aritu bitartean bakarrik, eta betiere uretako fauna eta landarediarentzat edo gizakientzat toxikoak ez diren produktuak erabiliz gero.

d) "Kirol agertoki" deklaraturako uretan, baimentzen da beita natural moduan asticot izeneko harra edo antzekoak erabiltzea arrantza sustatzeko edo arrantzan egiten irakasteko jarduera ofizialak egitean.

8.6 Zuhurtasun printzipioari jarraituz, Sobrongo urtegian debekatuta dago hari txirikordatzuko amu-hariak, estrimer apeuak eta arrain artifizialak erabiltzea.

9. artikulua. Arrantzan egiteko beharrezkoak diren agiriak

9.1 Eusko Jaurlaritzaren Industria, Nekazaritza eta Arrantza Sailaren urriaren 7ko 216/1997 Dekretuari jarraituz (EHAA, 203 zenbakia, 1997ko urriaren 23koa), hauexek dira Euskal Autonomia Erkidegoan ibai arrantza egiteko beharrezko agiriak:

a) Euskal Autonomia Erkidegoaren arrantzarako baimena.

b) Urteko tasa ordaindu dela egiaztatzen duen agiria.

c) Nortasun agiri nazionala (NANA), pasaporte, gidabaimena edo atzerritarren identifikazio zenbakia (AIZ).

9.2. Foru agindu honetako 9.1 artikuluan adierazitako agiriez gain, barrutiko arrantza baimena eduki beharko da, mugaturiko tarteetan amuarrainak arrantatzeko, bai eta urteko tasa ordaindu izanaren agiria ere. Baimen hori pertsonala eta eskualdaezina da. Baimen horren indarraldia data jakin baterako eta amuarrain barruti jakin baterako baino ez da izango.

9.3 Salmonidoak arrantzatzen ikastea errazteko, amuarrain barrutietako baimenen titularrak 14 urtetik beherako beste pertsona batekin egon ahal izango dira. Pertsona horrek titularraren baimena aprobetxatu ahal izango du, baldin eta 9.1 artikuluan adierazitako dokumentazioa badu, eta betiere, baimeneko kanabera bakarria erabiltzen bada.

10. artikulua. Arrain fauna babestea

10.1 Arauzko 22 zentimetroak ez dituen amuarrain arrunt bat harrapatzen denean, amuarrainari ezin bazaio amua kendu kalte handia egin gabe, arrantza haria moztu eta arraina askatu egingo da.

10.2 Arrainak harrapatzean egiten zaizkien kalteak, ahal den neurrian, ahalik eta txikienak izan daitezen, "amua kentzekoa" erabiltzea gomendatzen da.

10.3 Honako debeku hauek ezartzen dira:

a) Uretan arrabalekuetan sartzea apirilaren 30era arte, berori barne.

b) Edozein baliabide erabilita harriz, egurrez edo beste material batez egindako oztopoak edo hesiak jartzea, edo ubideak edo ur etorriak aldaraztea, arrantza errazteko ala ez errazteko.

c) Elektrokutatze edo geldiarazteko tresnak, argi iturri artifizialak, lehergailuak eta gai pozoitsuak, lasaigarriak, erakargarriak edo uxagarriak erabiltzea.

d) Atzaparrak, kizkiak, hiruhortzak, krakoak, atxamartak, arpoiak, xederak, baheak, pertolak, otarreak, txingak, sareak, esku-sareak, tretzak, salabardoak, zurdak, itsatsitako amu-hariak eta antzeko tresnak erabiltzea.

e) Egitura zurrun eta iraunkorrekoak ez diren flotazio aparatuak erabiltzea, hala nola, egur sortak, baltsak, oholtzak, eta abar.

f) Arrainak eskuz harrapatzea eta arrainen babesleku diren harriak jotzea.

g) Su armez, aire konprimituz edo beste gas batzuek dabiltzan armez, uztaz edo baleztaz arrantzan egitea.

11. artikulua. Amuarrainak arrantzatzeko barrutiak

Arabako Lurralde Historikoan 2023/2024 denboraldirako ezartzen diren amuarrainak arrantzatzeko barrutiak, foru agindu honen II. eranskinean adierazitakoak dira.

12. artikulua. Karamarro gorria kontrolatu eta deuseztatzeko ibai zatiak

Arabako Lurralde Historikoan 2023/2024 denboraldian karamarroak kontrolatu eta deuseztatzeko ezartzen diren ibai zatiak, foru agindu honen III. eranskinetan adierazitakoak dira.

13. artikulua. Kirol agertokia

13.1 Ziprinidoen arrantza sustatzeko eta ikasteko, kirol agertokia ezartzen da Zadorra ibaian, Langraiz Oka herritik igarotzean. Hona hemen horren mugak:

Goiko muga: "Los Cañales" deritzon oinezkoen pasabidearen aztarnak.

Beheko muga: Sorribasko presa.

Luzera: 1,7 km.

Foru agindu bidez, beste kirol agertoki bat ezar daiteke, edo hura lekuz aldatu.

13.2 Ziprinidoen kirol agertokian arrantza sustatu edo arrantzan egiten irakasteko jarduerak egiteko, Arabako Foru Aldundiaren Ehiza eta Arrantza Atalari komunikatu beharko zaio. Eskatera hori Arabako Arrantza eta Kasting Federazioaren bidez izapidetuko da.

13.3 Kirol agertokia osorik edo zati batean okupatuta dagoen egunak Arabako Arrantza eta Kasting Federazioak argitaratuko ditu, ekitaldia egin baino gutxienez bi egun lehenago. Egun horietan, kirol agertokia erabili ahal izango dute soilik arrantza sustatu edo arrantzan egiten irakasteko jardueran parte hartzen duten pertsonak, eta debekatuta dago beste edonork han arrantzatzea.

Arrantza sustatu eta arrantzan egiten irakasteko jarduerarik ez dagoen egunetan, edozein arrantzalek arrantzatu ahal izango du kirol agertokiaren zatian, jarduerari buruzko araudi orokorra betez.

13.4 Arrantza sustatzeko eta arrantzan egiten irakasteko jarduerak egin bitartean kirol agertokian harrapatzen diren ale guztiak, salbu eta Espainiako Espezie Exotiko Inbaditzaileen Katalogoa arautzen duen 630/2013 Errege Dekretuaren eraginpean dauden kanpoko espezie inbaditzaileenak, uretara itzuli beharko dira harrapatu eta berehala edo arrantza eguna bukatutakoan, bibak ontziren bat erabiliz gero.

13.5 Arrantza sustatu eta arrantzan egiten irakasteko jardueretan arrantzako tresna lagungarriak erabiltzeko, foru agindu honen 21.2 artikuluan zehaztutakoa bete behar da.

14. artikulua. Debekatutako ibai zatiak

14.1 Foru agindu honen I. eranskinean arrantzan egin daitekeen ibai zati deklaratu ez diren ur masa guztiak debekatuta daudela iritziko da eta, beraz, haietan ezin daiteke inolako arrantza jarduerarik egin.

14.2 Debekatuta dago edozein arrantza jarduera sarbide publikoa debekatuta duten lekue-tatik.

14.3 Berariazko baimenik izan ezean, debekaturik dago arrantza egitea ureztatzeko urmael eta ubideetan, bai eta zentral elektrikoetako eta errotetako ubideetan ere, eta, oro har, edozein deribazio ubidetan, iraunkorrek izan zein aldi baterako izan.

14.4 Debekatuta dago kanaberaz arrantzan egitea dike eta presetatik 25 m baino gutxiagora, horien bi alboetan, bai eta horietan finkatutako pasabide eta eskaletan ere. Debeku horrek ez die eragiten ziprinidoen eremuei eta espezie exotiko inbaditzaileak harrapatzeko ibai zatiei, bi gune horietan presaren oinean arrantzatu baitaiteke, baina inoiz ez pasabide edo eskaletatik 10 m baino gutxiagora.

14.5 Bide segurtasunagatik, debekatuta dago kanaberaz arrantzan egitea Ollerietatik Elosurako A-4404 toki errepeidean, Urrunagako urtegiaren gainetik pasatzen den zubiaren bi kareletan.

15. artikulua. Merkaturatzea

Debekatuta dago amuarrain arruntak merkaturatzea, lurralde historiko honetako uretan egindako arrantzatik lortuak badira.

16. artikulua. Amuarrain barrutietan arrantzatze baimenak

16.1 Eskaerak: 2024. denboraldirako amuarraina arrantzatze baimenak Arabako Foru Aldundian eskatuko dira, Probintzia plazako 5. zenbakietako beheko solairuan dauden bulego teknikoetan, edo AFaren egoitza elektronikoaren bidez, horretarako formalizatutako inprimakian eta nahitaezko dokumentazioarekin batera. Eskabideak aurkezteko epea 2023ko abendu osoan egongo da zabalik.

16.2 Zozketa. Amuarrainak arrantzatze baimenen zozketa Arabako Foru Aldundian egingo da. Eguna eta ordua eskaera orrian adieraziko dira.

16.3 Prezioa. Amuarrainak arrantzatze 2023ko baimenen prezioak Arabako Lurralde Historikoaren 2023ko aurrekontua gauzatzeko araudian ezarritakoak izango dira.

16.4 Arabako Foru Aldundiaren Nekazaritza Sailari egotzi ahal zaizkion arrazoiengatik arrantza edo kontrola ezin egin daitekeenean baino ez da egongo eskubidea baimenengatik ordaindutakoa berreskuratze.

16.5 Amuarrain barrutietako baimen bakar baten titular baino ezin izango da izan eguneko.

16.6 Amuarrainak arrantzatu eta hiltzeko barrutietarako baimena lortzen duena heriotza gabeko arrantzan aritu ahal izango da barruti horretan, hori baldin bada egun osoan egiten duen arrantza modalitate bakarra.

17. artikulua. Amuarrain barrutietako baimenak zozketa bidez banatzea

17.1 Arrantzaleek eskaera bana aurkeztu ahal izango dute bakarrik; gehiago aurkeztuz gero, kanpoan utziko dira.

17.2 Zozketa egin ondoren, ateratzen den zenbakitik aurrera esleituko dira aukera daitezkeen baimenen eguna eta ordua.

17.3 Eskaria nolakoa den eta zenbat baimen dauden banatzeko kontuan harturik, zozketan saridun izan denak baimen bat edo gehiago aukeratu ahal izango ditu.

17.4. Baimena pertsonala eta besterenezina da.

17.5 Baimenak telefonoz eman ondoren (zozketan jarritako hurrenkeraren arabera), baimen liberrik geratuz gero, Arabako Foru Aldundiaren bulego teknikoetan (Probintzia plaza 5, beheko solairua) jarriko dira salgai, bidezkotzat jotzen diren mugekin. Libre geratutako baimenak edozein pertsona gaituren eskura egongo dira, zozketan parte hartu izan ala ez.

17.6 Zadorra ibaiko amuarrain barrutia izan ezik, baimen-kopuru osoaren zati bat arrantza-barrutien inguruko herrietako arrantzaleentzat gordeko dira, eta baimenen poltsa orokorra handitu egingo da haien eskuratzen ez badituzte telefono bidez emateko aldiari. Pertsona horientzat erreserbatutako baimen kopurua, ezarritako epearen barruan jaso eta inguruko herrietako arrantzaleek behar bezala eginak diren eskaeren kopuruaren arabera izango da.

17.7 Amuarrainak harrapatze berrutietan, ibaiertzetik arrantzaletzat hartuko dira honako toki erakunde hauetakoren batean erroldatuta daudenak, dagokion udal ziurtagiriaren bidez hala dela frogatuz gero:

- a) Berganzoko barrutiaren ingurukoak: Berganzo, Ozio, Santa Cruz del Fierro eta Zambrana.
- b) Antoñana-Kanpezuko barrutiaren ingurukoak: Antoñana eta Santikurutze Kanpezu.
- c) Kuartangoko barrutiaren ingurukoak: Aprikano, Etxebarri-Kuartango, Jokano, Katadio, Sendadiano, Urbina Eza, Uribarri-Kuartango eta Zuhatzu-Kuartango.
- d) Zuia/Urkabustaizko barrutiaren ingurukoak: Bitoriano, Lukiano, Abornikano eta Anda.

17.8 Inguruko herrietako arrantzaleek, beraientzat gordetako baimenak lortu nahi izanez gero, eskaerarekin batera errolda ziurtagiria aurkeztu beharko dute eta, arrantza zozketan lehenengo aldiz parte hartzen badute, NANaren fotokopia ere bai.

18. artikulua. Karramarro kontrolatzea eta deuseztatzea

Euskal Autonomia Erkidegoan ibai arrantza legez egiteko eskatzen den dokumentazioa duen edonork karramarro seinaleduna eta gorria kontrolatzeko jarduketak egin ahal izango ditu ezarritako tarte, ordutegi eta egunetan, baimenik behar izan gabe.

19. artikulua. Amuarrain arrutaren harrapaketa orriak

19.1 Barrutietan harrapatutako amuarrain arruntaren aleei buruzko datuak, haiek uretatik atera eta berehala idatzi beharko dira baimenarekin batera emandako harrapaketa orrian, eta, une oro, otzaran, zakuan, etab. gordetako harrapakinen kopuruak bat etorri beharko du harrapaketa orri horretan jasotako aleekin.

19.2. Harrapaketa orriak nahitaez bidali behar dira baimena erabiltzen hasten den egunetik 10 eguneko epean gehienez ere, Arabako Foru Aldundiko Nekazaritza Saileko Mendi Zerbitzura edo Arabako Foru Aldundiaren egoitza elektronikoaren bidez. Posta ziurtatuz edo aurkeztu direla ziurtatzen duen beste edozein modutan ere aurkeztu ahal izango dira orri horiek.

19.3 Nahitaez bidali edo eman behar dira harrapaketa orriak, nahiz eta arrantza baimena ez erabili edo ezer ez harrapatu.

19.4 Harrapaketa orriak entregatzea ezinbestekoa da hurrengo denboraldiko zozketetan parte hartu ahal izateko.

20. artikulua. Ontzitik arrantzan egitea

20.1 Baimentzen da ontzitik arrantzan egitea edozein modalitatetan Sobron, Uribarri Ganboa eta Urrunagako urtegietan, betiere Ebroko Ur Konfederazioak nabigazio eta flotaziorako emandako baimena edukiz gero.

20.2 Ontziak dira Ebroko Konfederazio Hidrografikoak halakotzat jotzen dituen elementuak, baldin eta elementu horiei erantzukizunpeko adierazpena eskatzen badie eta matrikula bat eta nabigazio eta flotazio baimen ofiziala ematen badie.

20.3 Hortaz, ez dira ontzitzat joko, eta horietatik arrantzan egitea debekatuta dago, konfederazio horrek bainuaren osagarritzat jotzen dituen elementuak; horien artean daude ahate edo tubo float izenekoak, windsurfeko oholak eta antzeko elementuak, edozein materialez egindako almadiak, koltxonetak, flotagailuak eta pneumatikoak eta abar, merkatuan saltzen direnetakoak nahiz etxean egindakoak izan.

20.4 Ur bazterrean norbait arrantzan dabilenean, debekatuta dago ontzitik arrantzan egitea, 50 metro zabaleko zerrenda batean, urtegiaren ertzetik erdialderantz kontatuta.

20.5 Ur bazterretik arrantzan egitea debekatuta dagoen zonetan, debekatuta dago ontzitik arrantzan egitea 100 metro zabaleko zerrenda batean, debekatutako ur ertzetik urtegiaren erdialderantz kontatuta.

21. artikulua. Ur gezako naiade txirla (*potomida littoralis*) kontserbatzearekin lotutako berriazko neurriak

Baia ibaia da ur gezako naiade txirlaren populazio handia, egonkorra eta ongi egituratua duen Arabako ibilgu bakarra. Molusku bibalbo hori Basa eta Itsas Fauna eta Landaredian Arriskuan dauden Espezieen Euskadiko Zerrendan jasota dago, "kaltebera" gisa (2013ko ekainaren 18ko Agindua, Ingurumen eta Lurralde Politikako sailburuarena; 2013ko uztailaren 5eko EHAA, 128. zk.). Era berean, funtsezko elementutzat jotzen da Natura 2000 Sareko Naturagune Babestuen barruan (ES2110006 Baia ibaia KBE) (34/2015 Dekretua, martxoaren 17koa).

Kirol arrantza eta espezie horren kontserbazioa bateragarriak izan daitezen, debekatuta dago ibai ohea zeharkatzea eta zapaltzea Zuia/Urkabustaiz barrutian arrantzatzen den bitartean; hain zuzen ere, Abornikanoko presa txikiaren eta A-3314 errepideko Andarako sarbideko gurutzaguneko zubiaren artean dagoen tartean.

22. artikulua. Zebra muskuiluarekin (*dreissena polymorpha*) lotutako berariazko neurriak

22.1 Ikusi da badaudela zebra muskuiluak Urribarri Ganboa, Urrunaga eta Sobrongo urtegi-tan eta Ebro, Santa Engrazia, Undebe eta Zadorra ibaietan, eta gehiago zabaldu ez dadin, Ebroko Konfederazio Hidrografikoak 2002ko irailaren 24an emandako ebazpenean zehaztutakoari (EAO, 2002ko azaroaren 12a, 271. zenbakia) eta Ebroko Konfederazio Hidrografikoak 2007ko maiatzaren 15ean emandako ebazpenean zehaztutakoari jarraituko zaio (EAO, 2007ko ekainaren 19a, 146. zenbakia), arrantzan erabilitako tresnak desinfektatu eta lehortzerakoan batez ere.

22.2 Zebra muskuiluen larbak beste ur batzuetara joan ez daitezen, Sobron, Urribarri Ganboa eta Urrunagako urtegi-tan eta Ebro, Santa Engrazia, Undabe eta Zadorra ibaietan egiten den arrantzak honako kautelazko mugak bete beharko ditu:

a) Arrantzan hasi aurretik, arrantzaleek botak, ibaian ibiltzeko ekipoak eta bestelako laguntza tresnak zebra muskuiluen aurka desinfektatu beharko dituzte. Arrantzalea izango da desinfekzioa egitearen arduraduna. Desinfekzioa egiteko, dosifikagailu bat erabiliko da, zeinetan honako proportzio hauek betetzen dituen soluzio bat sartuko den: 1,25 ml lixiba 10 litro ureko. Edonola ere, dosifikagailua eskura eta erabiltzeko moduan egon beharko da arrantzaleak arrantzan egin bitartean. Arrantza jarduera amaitutakoan, botak, ibaian ibiltzeko ekipamenduak eta tresna lagungarriak (salabardoak) desinfektatu behar dira, aurreko puntuan adierazitako argibideei jarraituz.

b) Sare saskiak zebra muskuiluaren hedatzeko elementu biziki arriskutsuak direnez, Zadorra ibaiko karramarro seinaleduna kontrolatu eta deuseztatzeko ibai zatiko arrantzaleek erabiltzen dituzten sare saskiak eta bestelako elementu lagungarriak desinfektatzeko ardurak izango dute.

c) Desinfekzioa bertan egin beharko da, arrantza jarduna bukatutakoan, eta dosifikagailu/lainoztagailu bat erabili beharko da, zeinetan honako proportzio hauek dituen soluzio bat sartu beharko baita: 1,25 ml lixiba 10 litro ureko. Edonola ere, dosifikagailu/lainoztagailua eskura eta erabiltzeko moduan egon beharko da arrantzaleak arrantzan egin bitartean.

d) Neurri osagarri gisa, karramarro seinaleduna kontrolatu eta deuseztatzeko Zadorra ibaiko tartean erabilitako sare saskiak eta elementu lagungarriak gutxienez astebetetz lehortzea gomendatzen da, zebra muskuilurik ez dagoen eremuetan berriz erabili aurretik.

23. artikulua. Desgaituentzako lehentasunezko arrantza lekuak

Desgaituentzako lehentasunezko arrantza leku hauek ezartzen dira:

a) Urrunagako urtegiko zubi handia izenekoa, N-240 errepidean dagoena, A-623 errepidearekiko elkargunearen parean.

b) Urribarriko urtegiko ponpaketa estazioaren eremua.

24. artikulua. Unean uneko neurriak

Klimarekin, biologiarekin edo beste edozerekin loturiko gorabeherak direla-eta uretako faunan gerta litezkeen kalteak prebenitzeko, Arabako Foru Aldundiaren Nekazaritza Sailak beretzat gordezten du foru agindu honetan araututako edozein puntu aldatu edo garatzeko ahalmena, baita normalizatzeko egokiesten diren beste batzuk ere.

25. artikulua. Arau haustekak

Ibai arrantzaren arloan edozein arau hautsiz gero, aplikatuko dira bai 1942ko apirilaren 20ko Legea, ibai arrantzarena, bai apirilaren 13ko 1/1989 Legea, ehiza eta ibaietako arrantza arloko zenbait arau hauste administratiboren kalifikazioa aldatu eta dagozkien zehapenak handitzen dituenak.

I. ERANSKINA**Arrantza baimenduko tartek arto hidrologoien arabera**

1. Omecillo ibaiaren arto hidrologikoa.
 - 1.1 Amuarrainak arrantzatze berrutia: arto hidrologikoa honetan ez dago.
 - 1.2 Amuarrainaren heriotzarik gabeko arrantza berrutia: arto hidrologikoa honetan ez dago.
 - 1.3 Karramarro seinale duna kontrolatu eta deuseztatzeko ibai zatia:
 - Omecillo ibaia: Uribarri Gaubeako zubitik A-2625 errepedeko zubiraino (Espejo).
 - Tumecillo ibaia: Carancako errotako zubitik Omecillo ibaiko bokaleraino, Villanañetik uretan behera.
 - 1.4 Salmonidoak arrantzatze berrutia ibai zati librea:
 - Tumecillo ibaia: Angostoko santutegiko presatik Omecillo ibaiarekiko elkarguneraino.
 - 1.5 Ziprinidoak arrantzatze berrutia ibai zati librea:
 - Omecillo ibaia: A-2625 errepedeko zubitik (Bergonda herria baino gorago) Ebro ibaiko bokaleraino.
 - 1.6 Arrain exotiko inbaditzaileak kontrolatu eta deuseztatzeko ibai zatia:
 - Omecillo ibaia: perka amerikarra (*Micropterus salmoides*) arrantzatu daiteke bakar-bakarrik A-2625 errepedeko zubitik (Bergondatik uretan behera) Ebro ibaiko bokaleraino.
2. Baia ibaiaren arto hidrologikoa.
 - 2.1 Amuarrainak arrantzatze berrutia: arto hidrologikoa honetan ez dago.
 - 2.2 Amuarrainak hil gabe arrantzatze berrutia:
 - Baia ibaia: Katadioko zubitik Aprikanoko zubiraino.
 - Baia ibaia: Bitoriano eta Gillerna arteko zubitik A-3314 errepedeko zubiraino (Andagoia herrira heltzeko bidegurutzea).
 - 2.3 Karramarro seinale duna kontrolatu eta deuseztatzeko ibai zatia:
 - Baia ibaia: Katadioko zubitik Rivabellosako zubiraino.
 - 2.4 Salmonidoak arrantzatze berrutia ibai zati librea:
 - Baia ibaia: Aprikanoko zubitik Igai herritik San Migel herrira sartzeko zubiraino.
 - 2.5 Ziprinidoak arrantzatze berrutia ibai zati librea:
 - Baia ibaia: Igai herritik San Migel herrira sartzeko zubitik Burgos probintziarekiko mugaraino.
 - 2.6 Arrain exotiko inbaditzaileak kontrolatu eta deuseztatzeko ibai zatia:
 - Baia ibaia: perka amerikarra (*Micropterus salmoides*) arrantzatu ahal izango da bakar-bakarrik Igaegi herritik San Migel herrira sartzeko zubitik Burgos probintziarekiko mugaraino.
3. Zadorra ibaiaren arto hidrologikoa.
 - 3.1 Amuarrainak arrantzatze berrutia: arto hidrologikoa honetan ez dago.
 - 3.2 Amuarrainak hil gabe arrantzatze berrutia:
 - Zadorra ibaia (Dura): Uribarri Ganboako urtegiko presako koltxoiaren beheko mugatik Gamarako zubiraino (N-240). Ez dago baimenduta presako koltxoiaren egituratik bertatik arrantzan egitea.

3.3 Karramarro seinaleduna kontrolatu eta deuseztatzeko ibai zatia:

- Zadorra ibaia: Uribarri Ganboako urtegiko presaren lastairatik Ihurreko zubiraino.

3.4 Karramarro gorria kontrolatu eta deuseztatzeko ibai zatia:

- Albinako urtegia: perimetro osoa.

3.5 Salmonidoak arrantzatzeko ibai zati libreak:

- Zadorra ibaia: Gamarrako zubitik (N-240) Aztegiatiko zubiraino.
- Undabe ibaia: Arabako sarreratik, Ubidetik uretan behera, Urrunagako urtegiko bokaleraino.
- Barrundia ibaia: Aiduru edo Ugarte errekarerikiko elkargunetik (Barriatik uretan gora) Zadorra ibaiko bokaleraino.
- Albina ibaia: Albinako urtegiko presatik Urrunagako urtegiko bokaleraino.
- Ihuda ibaia: Urarte herrian dagoen lurzati bideko zubitik Burgosko probintziarekiko mugaraino (Trobiñuko Konderrria) eta Trobiñuko Konderrriko irteeratik Berantevilla eta Estavillo arteko bideko harrizko zubiraino.

- Zubialde-Zalla ibaia: A-3608 errepideko zubitik (Larrinoan) Zadorrako bokaleraino.

3.6 Ziprinidoak arrantzatzeko ibai zati libreak:

- Albinako urtegia: perimetro osoa.
- Uribarri Ganboako urtegia: perimetro osoa, Urizarko iparraldeko edo kanpoko dikea izenekoaren alde biak barne, ondoko sektore hauek izan ezik, haietan arrantza debekatuta egongo baita:
 - Garaioako eta Landako bainu lekuak eta Uribarri Ganboako hilerriaren ondoko hondartza izan ezik.
 - Orengo uhartearen perimetro osoa.
 - Erlojuaren orratzen kontrako norabidean, urtegiaren hegoaldeko senadia eta Urizar base-rritik ur gaineko pasabidearen bukaerako muturrerainoko (Garaioko probintzia parkearen beste aldean) ur bazter guztia barnean hartzen dituen ibai zatia.
 - Aldaieta klub nautikoa: mendebaldetik ekialderako norabidean, hau guztia barnean hartzen duen ur bazter zatia: ontziak atrakatzeko zementuzko arrapalaren senaditik (UTM koordinatuak: 30T533229.4752532 - Datum ERTS89) klub horretako ur gaineko pantalanaren aurrean dagoen senadiaren bukaeraraino (UTM koordinatuak: 30T533601.4752703 - Datum ERTS89).
- Urrunagako urtegia: perimetro osoa.
- Dulantzi ibaia: Oreitia herriko zubitik Zadorra ibaiarekiko elkarguneraino.
- Ihuda ibaia: Berantevilla eta Estavillo arteko bideko harrizko zubitik Zadorra ibaira isurtzen duen lekuraino.
- San Pedro erreka: Ollarieta-Gopegi A-3608 errepideko zubitik Urrunagako urtegiko bokaleraino.
- Santa Engrazia ibaia: Urrunagako urtegitik Amarita herrira Erretanatik sartzeko errepideko zubiraino.
- Zadorra ibaia:
 - A-3016 errepideko zubitik (Agurainetik Erdoñara) Uribarri Ganboako urtegiko bokaleraino.
 - Aztegiatiko zubitik "Los Cañales" izeneko oinezkoentzako pasabidearen aurrietaraino.
 - Sorribasko presatik Ebro ibaiko bokaleraino, Arabatik pasatzen den ibilgu osoan zehar.

3.7 Kirol agertokia:

- Zadorra ibaia: “Los Cañales” izeneko oinezkoentzako pasabidearen aurrietatik Sorribasko presaraino.

3.8 Arrain exotiko inbaditzaileak kontrolatu eta deuseztatzeko ibai zatia:

- Albina, Uribarri Ganboa eta Urrunagako urtegiak: alburnoa (*Alburnus alburnus*), lutxoa (*Esox lucius*), karpa (*Cyprinus carpio*) eta perka amerikarra (*Micropterus salmoides*) arrantzatu daitezke haien perimetro guztietan, Uribarri Ganboako urtegiaren zati debekatuetan izan ezik.

- Dulantzi ibaia: alburnoa (*Alburnus alburnus*) eta lutxoa (*Esox lucius*) arrantzatu ahal izango dira Oreitiako zubitik Zadorra ibaiarekiko elkarguneraino.

- Zadorra ibaia: alburnoa (*Alburnus alburnus*), lutxoa (*Esox lucius*), perka amerikarra (*Micropterus salmoides*) eta amuarrain ostadarra (*Oncorhynchus mykiss*) arrantzatu daitezke Uribarri Ganboako presako koltxotik Ebro ibaiko bokaleraino bakarrik.

Hala ere, Durako arrantza barrutiarena den tarte horren zatian —Uribarri Ganboako presako lastairatik N-240 errepideko Gamarrako zubiraino—, eremu horretan aritzeko baimena dutenek bakarrik egin ahal izango dute arrantzan.

4. Arakil arro hidrologikoa.

4.1 Amuarrainak arrantzatzeko barrutia: arro hidrologikoa honetan ez dago.

4.2 Amuarrainak hil gabe arrantzatzeko barrutia: arro hidrologikoa honetan ez dago.

4.3 Karramarroak kontrolatu eta deuseztatzeko ibai zatiak: arro hidrologikoa honetan ez dago.

4.4 Salmonidoak arrantzatzeko ibai zati librea:

- Araia edo Zirauntza ibaia: Iduiako auzoko zubitik Leze errekaen elkarguneraino.

4.5 Ziprinidoak arrantzatzeko ibai zati libreak: arro hidrologikoa honetan ez dago.

4.6 Arrain exotiko inbaditzaileak kontrolatu eta deuseztatzeko ibai zatia: arro hidrologikoa honetan ez dago.

5. Inglares ibaiaren arro hidrologikoa.

5.1 Amuarrainak arrantzatzeko barrutia:

- Inglares ibaia (Berganzo): Berganzoko zubitik Ebro ibaiarekiko elkarguneraino.

5.2 Amuarrainak hil gabe arrantzatzeko barrutia: arro hidrologikoa honetan ez dago.

5.3 Karramarroak kontrolatu eta deuseztatzeko ibai zatiak: arro hidrologikoa honetan ez dago.

5.4 Salmonidoak arrantzatzeko ibai zati librea:

- Inglares ibaia: A-2124 eskualde errepideko zubitik, Urizaharreko herrigunearen inguruan, Berganzoko zubiraino.

5.5 Ziprinidoak arrantzatzeko ibai zati libreak: arro hidrologikoa honetan ez dago.

5.6 Arrain exotiko inbaditzaileak kontrolatu eta deuseztatzeko ibai zatia: arro hidrologikoa honetan ez dago.

6. Ega ibaiaren arro hidrologikoa.

6.1 Amuarrainak arrantzatzeko barrutia: arro hidrologikoa honetan ez dago.

6.2. Amuarrainak hil gabe arrantzatzeko barrutia:

- Ega/Berron ibaiak (Antoñana-Kanpezu): Sabando errekaen bokaletik Santikurutze Kanpe-zuko herrira sartzeko zubiraino (A-132 errepideak eta Oteo eta Haranerantz doan A-2128 errepideak bat egiten duten tokian).

6.3 Karramarro seinaleduna kontrolatu eta deuseztatzeko ibai zatia:

- Berron ibaia: A-132 errepideko zubitik, Aaturitik uretan behera (Asfaltos Maeztu), Ega ibaia-
rekiko elkarguneraino.

- Ega ibaia: Berron ibaiko bokaletik Nafarroarekiko mugaraino.

6.4 Salmonidoak arrantatzeko ibai zati libreak:

- Berron ibaia: A-132 errepideko zubitik, Birgaragoien, errepide horretako zubiraino, Maez-
tuko igerilekuetatik uretan behera.

Aaturiko presatik "Puentelaya" izeneko parajeraino.

Antoñanako errotako presatik Sabando ibaiko bokaleraino.

Ega ibaia: Nafarroako Foru Erkidegoan ibili ondoren Araban sartzen denetik Berron ibaiaren elkarguneraino.

– Antoñana-Kanpezuko barrutiaren bukaeratik (Santikurutze Kanpezura sartzeko zubia, A-132 errepideak eta Oteo eta Haranerantz doan A-2128 errepideak bat egiten duten tokian dagoena) Nafarroako mugaraino.

- Izki ibaia: Izkiko parke naturalaren mugatik gutxi gorabehera 250 metrora dagoen ibai gaineko zubitik (UTM koordenatuak: 0548168/4725442), Berron ibaira isurtzen duen lekuraino.

- Musitu ibaia: Zekuianoko errotatik Berron ibaiaren ahoraino.

6.5 Ziprinidoak arrantatzeko ibai zati librea: arro hidrológikoa honetan ez dago.

6.6 Arrain exotiko inbaditzaileak kontrolatu eta deuseztatzeko ibai zatia:

- Ega ibaia: amuarrain ostadarra (*Oncorhynchus mykiss*) arrantzatu daiteke Antoñana-Kanpe-
zuko barrutiaren bukaeratik (Santikurutze Kanpezu herrira sartzeko zubia, A-132 errepideak eta Oteo eta Haranerantz doan A-2128 errepideak bat egiten duten tokian dagoena) Nafarroako mugaraino.

7. Nerbioi-Ibaizabal ibaiaren arro hidrológikoa.

7.1 Amuarrainak arrantatzeko barrutia: arro hidrológikoa honetan ez dago.

7.2 Amuarrainak hil gabe arrantatzeko barrutia: arro hidrológikoa honetan ez dago.

7.3 Karramarroak kontrolatu eta deuseztatzeko ibai zatia: arro hidrológikoa honetan ez dago.

7.4 Salmonidoak arrantatzeko ibai zati librea:

- Altube ibaia: A-2522 errepideko zubitik (Urkillu dermioan) Bizkaiarekiko mugaraino.

7.5 Ziprinidoak arrantatzeko ibai zati libreak:

- Maroñoko urtegia: perimetro osoa.

- Olarteko urtegia: perimetro osoa.

- Izoria ibaia: Maroñoko urtegiako irteeratik Nerbioi ibaiko bokaleraino.

- Nerbioi ibaia: Araban duen sarreratik, Saratxotik uretan gora, Bizkaiarekiko mugaraino.

7.6 Arrain exotiko inbaditzaileak kontrolatu eta deuseztatzeko ibai zatia:

- Maroñoko urtegia: perimetro osoan arrantzatu daitezke lutxoa (*Esox lucius*) eta perka ame-
rikarra (*Micropterus salmoides*).

8. Cadagua-Ibaizabal ibaiaren arro hidrologikoa.

8.1 Amuarrainak arrantzatzeko barrutia: arro hidrologikoa honetan ez dago.

8.2 Amuarrainak hil gabe arrantzatzeko barrutia: arro hidrologikoa honetan ez dago.

8.3 Karramarroak kontrolatu eta deuseztatzeko ibai zatiak: arro hidrologikoa honetan ez dago.

8.4 Salmonidoak arrantzatzeko ibai zati librea:

- Lanteno edo Ibaizabal ibaia: A-624 errepideko zubitik Bizkaiarekiko mugaraino.

8.5 Ziprinidoak arrantzatzeko ibai zati libreak:

- Artziniega ibaia: Aiaga edo Soxo erreka bokaletik Bizkaiarekiko mugaraino.
- Okondo edo Itzalde ibaia: A-624 errepideko zubitik Bizkaiarekiko mugaraino.

8.6 Arrain exotiko inbaditzaileak kontrolatzeko eta deuseztatzeko ibai zatia: arro hidrologikoa honetan ez dago.

9. Deba arro hidrologikoa.

9.1 Amuarrainak arrantzatzeko barrutia: arro hidrologikoa honetan ez dago.

9.2 Amuarrainak hil gabe arrantzatzeko barrutia: arro hidrologikoa honetan ez dago.

9.3 Karramarroak kontrolatu eta deuseztatzeko ibai zatiak: arro hidrologikoa honetan ez dago.

9.4 Salmonidoak arrantzatzeko ibai zati librea:

- Aramaio ibaia: Kuku presatik Gipuzkoako probintzia mugaraino.

9.5 Ziprinidoak arrantzatzeko ibai zati libreak: arro hidrologikoa honetan ez dago.

9.6 Arrain exotiko inbaditzaileak kontrolatzeko eta deuseztatzeko ibai zatia: arro hidrologikoa honetan ez dago.

10. Ebro ibaiaren arro hidrologikoa.

10.1 Amuarrainaren arrantza barrutia: arro hidrologikoa honetan ez dago.

10.2 Amuarrainaren heriotzarik gabeko arrantza barrutia: arro hidrologikoa honetan ez dago.

10.3 Karramarroak kontrolatu eta deuseztatzeko ibai zatia: arro hidrologikoa honetan ez dago.

10.4 Ziprinidoak arrantzatzeko ibai zati librea: arro hidrologikoa honetan ez dago.

10.5 Ziprinidoak arrantzatzeko ibai zati libreak:

- Sobrongo urtegia: Araban duen perimetro osoan.
- Ebro ibaia: Araban egiten duen ibilbide osoan.

10.6 Arrain exotiko inbaditzaileak kontrolatu eta deuseztatzeko ibai zatia:

- Sobrongo urtegia: alburnoa (*Alburnus alburnus*), lutxoa (*Esox lucius*) eta perka amerikarra (*Micropterus salmoides*) arrantzatu daitezke Araban duen perimetro osoan.

Ebro ibaia: alburnoa (*Alburnus alburnus*), lutxoa (*Esox lucius*) eta perka amerikarra (*Micropterus salmoides*) arrantzatu daitezke Araban egiten duen ibilbide osoan.

II. ERANSKINA
AMUARRAINAK HARRAPATZEKO BARRUTIAK**1. AMUARRAINAK ARRANTZATZEKO BARRUTIAK.**

IZENA	IBAIA	GOIALDEKO MUGA	BEHEALDEKO MUGA	LUZERA (KM)	BAIMENAK/EGUNA	ALDI BALIODUNA	EGUN BALIODUNAK	BEITAK	KUPOA
Berganzo	Inglares	Berganzoko zubia	Ebro ibaiarekiko elkargunea	8,0	4	2023/03/18tik 2023/06/30era	ar., og., lr., ig., jai	Amu bakarra eta garrangarik ez duten artifizialak	2

2. AMUARRAINAREN HERIOTZARIK GABEKO ARRANTZA BARRUTIA.

IZENA	IBAIA	GOIALDEKO MUGA	BEHEALDEKO MUGA	LUZERA (KM)	BAIMENAK/EGUNA	ALDI BALIODUNA	EGUN BALIODUNAK	BEITAK	KUPOA
Dura	Zadorra	Uribarri Ganboa presako koltxoia	Gamarrauko zubia (N-240)	8,2	4	2023/03/18tik 2023/06/30era	al., az., ol., lr., ig., jai	Amu bakarra eta garrangarik ez duten artifizialak	0
Antoñana-Kanpezu	Ega	Sabando erreka bokaletan	Santikurutzeko Kanpezu sartzeko zubia (A-132 eta A-2128 errepideen elkargunea)	6,0	3				
Kuartango	Baias	Katadioko zubia	Aprikanoko presa	11,6	5	2023/03/18tik 2023/06/11ra			
Zuia/Urkabustaiz	Baia	Bitorianotik Gillenarako bideko zubia	A-3314 errepideko zubia (Andagoirako sarbideko bidegurutzea)	8,8	4				

III. ERANSKINA
KARRAMARRO SEINALEDUNA ETA KARRAMARRO GORRIA
KONTROLATU ETA DEUSEZTATZEKO IBAI ZATIAK

ESPEZIEA	IBAIA/URTEGIA	GOIALDEKO MUGA	BEHEALDEKO MUGA	LUZERA (KM)	KONTROL ALDIA	KONTROL EGUNAK
Karramarro seinaleduna	Omeçillo/Tumecillo	Carancako errotoako zubia (Tumecillo) eta Uribarri Gaubeako zubia (Omeçillo)	A-2625 errepideko zubia (Espejo)	13,7	2023/07/01etik 2023/09/30era	ar., og., lr., ig., jai
	Baia	Katadianoko zubia	Rivabellosako zubia	25,3		
	Berron/Ega	A-132 errepideko zubia, Atauritik uretan behera (Asfaltos de Maeztu)	Nafarroako muga	14,0		
	Zadorra	Uribarri Ganboa presako koltxoia	Ihurreko zubia	11,3		
Karramarro gorria	Albina	Perimetro osoa		8,7		